

main, ny estêdu ces doigts, cela ne peut estre [36] non plus attribué à mon pere ny à ma mere; car outre qu'ils n'auoient point de cognoissance quâd ma main se formoit, ils ne fçauroient donner aucun mouuement à leur ouurage: ils ne fçauroient faire ny auiron, ny canot, ny autre manufacture qui s'ouure & se ferme par vn mouuement secret comme font mes doigts: fans doute il y a quelque grand ouurier qui fait ces merueilles: fust-il ainfi que quelqu'un m'en donnaft la cognoissance. Je prie V. R. de croire que ie n'adiouste rien aux pensées de ce Sauuage. Nous sommes dignes de reproche d'en auoir perdu plusieurs femblables, pour ne les auoir marquées sur le papier.

Ce bon ieune homme estant dans cette disposition, descêdit par cas fortuit vers nos demeures: car il est de l'Isle, nation fort esloignée des Francois. Nous ayant entendu parler du grand Architecte de l'Vniuers, son cœur prend feu, il nous vient aussi-tost trouuer en particulier; le voila touché, plus on luy parle de Dieu, & plus il en veut oïir parler, il gouste à longs traicts cette eau sacrée qui altere en rassasiant, il deuiet importun, mais d'une importunité qui nous estoit fort agreable, on l'enseigne tous les iours deux fois, & apres vne grosse heure d'instruction, il demandoit permission d'aller à la Chappelle, pour demander à Dieu la grace de retenir ce qu'on luy auoit enseigné; au sortir de là, il se retiroit pour l'ordinaire à l'escart dans le bois pour ruminer à part foy ce qu'il auoit appris: retournant en sa cabane, il en faisoit part aux siens avec vne ardente affection, accompagnée d'une ancienne modestie.

Quand il se sentit fortifié dans la Foy, il fit vn [37]